

Constitutio Procuratoris facta ab Alberto Episcopo ad recuperandos redditus Ecclesie Aq.

229

MCCLXIV.

Anno Dominice Nativitatis millesimo ducentesimo sexagesimo quarto, indictione septima, die Martis prima januarii. In Camera Domini Lotherii Præpositi Aquensis. Dominus Albertus Episcopus Aquensis constituit, & ordinavit Gullielmum Baldiconem suum certum nuncium villicum, & gastaldum actorem, & procuratorem ad exigendum, & recuperandum omnes redditus, & proventus pertinentes jam dicto Episcopo in Aquis, & in ejus territorio, ad omnia demum faciendum quæ spectant, & pertinere videntur dicto Procuratori villico, & gastaldo, & quidquid inde per dictum Gullielmum factum fuerit tam in agendo, & defendendo quam in recipiendo dictos proventus, & alia jura sua idem Dominus Episcopus ratum, ac firmum promisit semper habere, & nullo tempore coavenire. Interfuere testes dicti Dominus Præpositus, Dominus Henricus, Præpositus Bublensis, Arancus Notarius, & Jacobus Ferrarius de Aquis.

Opizzo jussu dicti Domini Episcopi hanc cartam scripsi.

Solutio Canonis Eccl. Aq. a Mon. Tilieti.

230

MCCLXV.

Anno Domini MCCLXV., indictione VIII., die martis III. martii. In claustrum Canonicæ Aquensi præsentibus D. Arnaldo Benzona iudice, Bonifacio de Garbazola, & D. Henrico Botaccio T. v. & R. Frater Ruffinus de Incisa, & Fr. Conradus de Garbazola de ordine monachorum Cistelli, qui dicunt se moram facere in Ecclesia S. Mariæ de Tilieto ejusdem loci, sicut dicunt, dederunt, & repræsentaverunt D. Loterio Aquensi Præposito, & D. Ruffino Scatte, D. Ogerio, & D. Simoni de Garbagna Canonicis S. Mariæ majoris Aquensis nomine, & vice Monasterii de Tilieto libras quatuor ceræ, & ex parte Abbatis, & Monasterii loci prædicti, quas ipsi constitentur, & dicunt dictum Monasterium de Tilieto debere dare, & reddere, & quondam reddidisse Ecclesie majori de Aquis annuatim occasione census, & hanc cartam fieri rogaverunt. Ego Nicolaus Manxionis Not. Palatii ecc.

Electio Procuratoris facta ab Archiepiscopo Mediolanensi pro recipiendis fructibus benef. in Dioc. Astensi, Albenfi, Savonensi, & Aquensi.

231

MCCLXVI.

O. Dei, & Apostolicæ Sedis gratiæ sanctæ Mediolanensis Ecclesie Archiepiscopus Domino Joanni Quaglato Astensi Canonico salutem ec.

Tenore præsentium vos constituimus, & ordinamus nostrum nuncium, & procuratorem generalem, & specialem ad omnia nostra negotia peragenda, & specialiter ad recipiendum fructus omnium beneficiorum primi anni, quæ vacabunt in Civitate, &

Dicecesi Astensi, ad nos pertinentes per literas Apostolicas ad D. Episcopum Placentinum, & de Vico Archipresbiterum super his beneficiis directas; ita tamen quod super prædictis, & circa prædicta facere possitis ea omnia, quæ facere possemus, si præsentibus essemus, paciscendo, vel alio modo, & quidquid super his facietis, ratum, & firmum habemus. Item vobis committimus, quod recipiatis, & recipere possitis a Clero Albenfi, Savonensi, & Aquensi procuraciones super eisdem impositas usque ad hodiernum diem, & ipsis receptis damus vobis licentiam absolvendi omnes, qui occasione prædicta incurrerunt excommunicationis sententiam, vel interdicti, idque vigore hujus mandati. Dat. Viterbii XII. cal. januarii MCCLXVI. IX. indictione.

Inducia per annum Marchioni Montisferrati, ejusque subditis concessa a potestate Alexandria.

MCCLXVI.

232

Anno Dominice Nativitatis MCCLXVI., indictione IX., die Dominico secundo mensis madii in palatio novo communis Alexandriae in pleno, & generali consilio campana, & voce præconum more solito convocato. Dominus Gullielmus de Cornazano potestas Alexandriae voluntate, & consensu totius prædicti consilii, & ipsius consiliiarii universi nomine, & a parte communis Alexandriae, & proprio communi Alexandriae, & districtus, & pro omnibus castris, locis, & villis, qui per Alexandriam detinentur, & fodrum, & dactum, vel collectam communi Alexandriae præstant, seu præstare tenentur, & se reducentibus in eisdem dant, & concedunt plenam, liberam, & securam fidantiam, & treguam in personis, & rebus Domino Gullielmo honorabili Marchioni Montisferrati, & suis hominibus, & districtualibus ipsius, & vassallis omnibus ejusdem, & toti terræ suæ, & terris, villis, & castris, & locis, quæ, & quas detinet, & quæ, & quas detinent vassalli, & districtuales sui, ita quod aliquæ offensiones, damna, vel jacturæ amplius non fiant per commune, & homines Alexandriae, & districtus, vel per terram, castra, loca, & villas, quæ per Alexandriam detinentur, & fodrum, dactum, vel collectam communi Alexandriae præstant, seu præstare tenentur, & se reducentes, vel qui se reducentur in ipsis, dicto Domino Marchioni, & hominibus suis, & districtualibus ipsius, & vassallis omnibus ejusdem, & toti terræ suæ, & terris, villis, castris, locis, quæ, & quas detinent vassalli, & districtuales sui promittendo dictus Dominus Potestas, Consilium, & Consiliiarii prædicti nomine dicti communis mihi notario infra scripto notario dicti Domini Marchionis, & omnium hominum, & vassallorum suorum, & omnium locorum, qui per ipsum, seu vassallos suos detinentur, & omnium, & singulorum, quorum interest, vel interesse potest dictam treguam, seu fidantiam ratam, & firmam habere, & tenere, & haberi, & teneri facere usque ad annum unum sub obligatione honorum dicti communis, & restituere omnia damna, & singula, quæ dabuntur, seu fiunt dicto Domino marchioni, & hominibus, & districtualibus suis, & vassallis, &